



Saamelaisalueen koulutuskeskus
Sámi oahpahusguovddáš
Säämi máttááttáskuávdáš
Sää'mvuud' škooou'jemkõöskõs
PL 50, 99870 Inari, 040 723 7309, www.sogsakk.fi



SÁMEDIGGI
SÁMITIGGE
SÁÁ'MTE'G'E
SAAMELAISKARAJAT

MEDIATIÄÐÁTTÁS 14.8.2016

Almostittemrijjá tállân

SÄÄMI PÁRNÁIKÁRDIMÁTTÁÁTTEIJEEŠKOVIM VUÁLGÁ JOTON ANARIST

Säämi máttááttáskuávdáást Anarist vuálgá joton párnáikárdimáttáátteijeeškovlim. Škovlim infotilálášvuotâ uárnejuvvoo Sämikulttuurkuávdáš Sajosist vástuppeeivi 19.8.2016 tme 12–14.

Tilálášvuodâ puáhtá čuávvuđ čujottásâst <http://sogku.fi/live2/>

Oulu ollâopáttuv šoddâdemtiettui tiedâkodde uárnee škovlim, mii álgá Anarist juovlâmáánust. Uuccâmáigi škovliimân lii 22.8.–22.9.2016 já toos väljejuvvoje 10 uápped. Vyerdih, ete uáppein, kiáh väljejuvvoje škovliimân, lii sâmi kiela máttu já sist ij pyevti leđe tooleeb škovlim adelem párnáikárdimáttáátteijee tohálášvuotâ. Toh, kiáh joteh škovlim, valmâštuvveh šoddâdemtiettui kandidaattin já totkosân kulá párnáikárdimáttáátteijee tohálášvuotâ.

Párnáikárdimáttáátteijei laseškovliimist, mii váldá vuotân sâmi kiela já -kulttuur sierânâstáárbuid, lii válduamnâsin šoddâdemtieta, eromâšávt arâšoddâdem. Škovliimist kiddejuvvo eromâš huámmášume säämi šoddâdem já árbivuávlâ tiäđu sehe kiela oppâm pedâgoogliid vuáháduváid já vuovviid. Škovlim vijđodâh lii 180 uáppučyegisid já uáppuáigi lii ocece ovdebij uápui miel sulân kyehti ive. Škovlim olášuttoo maangâhámásâš škovliimin já tast annoje ehideh já oholooah, kesiluuhâmpaje sehe viermimáttááttâs já aldateivâdmeh Anarist.

Sâmi kiela lii arâšoddâdem puáhtá ornid lahâaasâtlávt oles enâmist. Säämi arâšoddâdem ohtâ merhâšittee háástus lii vânuvuođâ škuávljum sâmi kiela pargovievâst, suulân peeleeest pargein váilu formaallâš tohálášvuotâ. Máttááttâs- já kulttuurministeriö lii miedettâm ollâopáttáhtâási párnáikárdimáttáátteijeeškovlim olášutmân sierânâs ruttâdem. Párnáikárdimáttáátteijei laseškovlim, mii váldá vuotân sâmi kiela já -kulttuur, álgá Anarist Säämi máttááttáskuávdáást tääl vuossâmmu keerdi.

Škovlim olášutmist tahhoo oovtâstpargo Säämi máttááttáskuávdáin, Sámitiggin já Oulu ollâopáttuv Giellagas-instituuttáin. Lasseen lii tárguttâs viärmáđâttâđ el. Säämi ollâškovláin (Sâmi allaskuvla) já Laapi ollâopáttuv šoddâdemtiettui tiedâkuddijn.

Uuccâm škovliimân tahhoo čujottásâst opintopolku.fi

Lasetiäđuid škovliimist já toos ucâmân kulloo aašijn finnee Internet-siijđoin <http://www oulu.fi/ktk> já valjimravvuuh meid anarâš-, nuortâlâš- já orjâlâškielân láá uáinimnáál čujottásâst <http://www oulu.fi/ktk/valintaoppaat>.

Lasetiäđuh

Maria Peltola
Vuávájeijee, Säämi
párnáikárdimáttáátteijeeškovlim
ovdânommâ.suhânommâ[at]oulu.fi
044-3824567

Irmeli Moilanen
Vuávájeijee, Säämi
párnáikárdimáttáátteijeeškovlim
ovdânommâ.suhânommâ[at]sogsakk.fi
050-4072257